

經史避名彙考

經史避名彙考編目

首卷 自叙 例言

一卷 原名一 二名 改名 字以敬名 小名小字 二十八頁

命名 同名 二名 改名 字以敬名 小名小字 別字別號

二卷 原名二 三 原名 或并字不稱 斥名 某以代名 三十一頁

自名 不名稱字 或并字不稱 斥名 某以代名 謚以尊名

三卷 序列 四十六頁

諱名 生稱諱 書諱 前朝諱 家諱 內諱 所著書目 周跋

四卷 帝王一 周 附西 附東 附周 十六頁

五卷 帝王二 秦 楚 附陳 二十一頁

六卷 帝王三 漢 附呂 后 二十二頁

七卷 帝王四 漢 附叛逆 新 更始 二十一頁

八卷 帝王五

後漢 附叛逆 仲家表氏 董卓

二十三頁

九卷 帝王六

李漢 附魏 兵

二十五頁

十卷 帝王七

晉

二十九頁

十一卷 帝王八

東晉 附叛逆 楚

二十九頁

十六國 漢 趙

蜀 前涼 前燕 前秦 後秦 後燕
西秦 後涼 南涼 南燕 西涼 北涼 夏 北燕

十二卷 帝王九

二十六頁

宋 齊 梁 後梁 附叛逆 漢 陳

十三卷 帝王十

三十五頁

魏 西魏 東魏 北齊 後周 隋 附許 鄭 夏 梁

十四卷 帝王十一

唐

二十八頁

十五卷 帝王十二

唐 附周

三十三頁

十六卷 帝王十三

唐 附燕 漢 齊 越

三十一頁

十七卷 帝王十四 梁唐晉漢

十八卷 帝王十五 周卅十國

十九卷 帝王十六 宋

二十卷 帝王十七 宋續前卅楚齊

二十一卷 帝王十八 南宋

二十二卷 帝王十九 遼金元卅宋天完漢夏周

二十三卷 帝王二十 明卅大順大西

二十四卷 宮掖一

二十五卷 宮掖二

二十六卷 儲副

二十七卷 藩封一

二十八卷 藩封二

二十四頁

二十八頁

三十六頁

三十三頁

二十八頁

二十八頁

二十九頁

二十二頁

二十八頁

二十八頁

二十九頁

二十四頁

二十九卷 戚畹

二十二頁

三十卷 官僚一

二十五頁

三十一卷 官僚二

二十三頁

三十二卷 官僚三

二十四頁

三十三卷 官僚四

二十頁

三十四卷 宦寺

十六頁

三十五卷 親屬一

十九頁

三十六卷 親屬二

十九頁

三十七卷 親屬三

十七頁

三十八卷 親屬四

十八頁

三十九卷 親屬五

十九頁

四十卷 師友一

二十六頁

四十一卷 師友二

二十一頁

四十二卷 道釋

十一頁

四十三卷 閩閩

十九頁

四十四卷 神祠

七頁

四十五卷 遠服

七頁

四十六卷 雜碑

三十一頁

宋州吳憲題識

兩頁

皇書既經改削終未付刊此則較為整齊係

先生最後改定以待刊出惜殺青未竟已歸道山
而文字勢常續行勘訂而成遂為海內所罕矣
以兼令得此快不帶氏也耳 吳華堂今氏識



自叙

廣業結髮從師授魯論遇夫子自稱必圈其字領讀若某
以為常既授戴記先子為講諱字始知禮有避名時已九歲
矣明年秋先子見背藐諸負笈心目交瞿嘗過烏墩舅氏一
同姓老儒為言乙卯榜發眾訛諱余得繼知實尊甫厭世幾
何年矣廣業方悟其與先諱同遂引退不樂竟日長試有
司恪遵禁例於

列聖廟諱

皇上御名

至聖先師諱敬謹避寫偏旁點畫無不致慎此則臣子之道

應爾非直。總總為不考慮也。顧性酷嗜書，過疑義必加研究。每見昔人名字及羣經文字，諸書稱引者，往往歧出不窮。同如微子、開、嚴、周、協和、萬國、萬滿、敷也之類，初謂今昔本異，及詳核之，皆由當日避諱之故。魏晉以降，遷改尤多。此皆年代懸隔，聲跡銷迹，沉獨字畫，炳然方策。注釋者不敢從畧，讐校者無敢擅更。按其年世，稽其名諱，自周迄明，初無或爽。因念幼所聞於父師及平昔兢兢於涉筆矢口者，固尊親大義，所在而實讀書論世之要端也。况乎脩長皓白，觸類紛紜，習學相沿，易滋惑誤。是烏可以無考乎？而賤貧客授，方博脩脯，以養老母，兼之闚閱市，借人旋得旋失，管窺蠡酌，得無足窺。

測天海遂爾因循積歲壬午館泮溪王氏主人喜蓄書脈昧之餘獲縱披覽意有當者即疏記之久之釐稿哀然甲辰春橐以入都與校四庫全書多所增益丁未冬南旋為條貫件擊而手錄之複者汰誤者辨闕者聽或值疑似漏畧採掇群言參互剖晰有易稿至七八者輒作不常去冬始繕齊為卷四十有六原名二卷序例一卷帝王廟繫圖一卷發凡起例以下至雜避忌二十三卷別為帝王廟繫圖一卷發凡起例庶疏完書竊謂聽聲依事人盡有名避就形聲韻闕禮典意昔賢必有專精斯事懣為不刊者然如王休元日對千客不犯一人之諱僅通譜學梁徐脩仁該綜百代皆為避諱亦祇

工文翰之用惟東漢應仲遠諱議晉陳承祚釋諱勒為一家
言而書久佚亡祇存目錄類家則書鈔始集諱事而甚畧通
曲及冊府元龜事文類聚所載宋洪容齋王勉夫諸公所記
非無論列終嫌掛漏是考以經史為綱領以諸子百氏為條
目旁徵曲引寧詳毋畧某朝某帝所諱若而字彰彰可數覽
之可想見當日臣子忠愛之心流露於載籍間如此而凡事
涉艱昧者或遂因之冰釋似亦詩世之一助也在昔文公定
制卒哭乃諱漢以來生亦避名茲故以名賅之鄭氏注禮訓
諱為辟釋文音避張子謙釋詁諱避也因題曰經史避名彙
考先後是私有譏者俱賴同志裁益此書創始其難憂憂將

伯無應者乃不復敢示人惟崔表弟星洲實同癖嗜先後惠
既甚多表侄朱尚行維亨髫齡穎悟手錄稗海所有見貽惜
早殞未竟其力茲並摭列功不可忘親識中前輩盧抱經先
生最重家諱官中書日啟求父母製壽詩文末云家諱翰幸
避此一字翰下倩人寫填蓋其祖書蒼府君諱也其慎如此
聞廣業是書謬許成日作序豈意卯冬遽返道山就正無從
蓋溯創藁之初已閱三十餘年追思庭訓花甲將週無令名
之貽可知已茲以奉帙頗繁不無魚豕勘對之下改注塗乙
滋多倩能書者重錄以便省覽因覆校一過備述所緣起焉
時

嘉慶二年歲次丁巳閏六月立秋後二日海寧周廣業耕厓
書於古綏安之復初書院

例言

禮順人情義協則起殷雖貴質高宗已用以題篇周末瀆神
王季尚嫌於連字是以文公創作營洛觀心曲備節文必以
諱為首也顧諱無過舉制謚更極顯揚名貴難知告字寔先
引避則知名為諱地諱為名終身後固無敢言生前亦豈可
斥卿蒼所說小戴所傳不惜文繁義複誠重之也秦漢而降
舊禮容有不遵獨名諱奉為彝憲轉益精詳而宋吳廷珍糾
唐書以失載楊隆禮改名為尊敬君親不嚴深責史氏非以忠
孝之情不因代隔而致殊哉爰條錄禮文史例為質樸蕪列
儒先同異諸說證明之

覆載之中所共尊者一人白帟通謂天子為爵帝王為號接
上稱天子明以德事天也接下稱帝王明號令天下也今取
其義以標目或泥周有貶號之說夫察道通德隨世立名三
畫連中亦象天地故易言包犧氏王天下史於夏殷本紀稱
帝而晋卜偃亦曰周禮未改今之王古之帝也茲以避名令
範垂自蒼姬故特據實而書為百王冠秦采尊君抑臣之法
兼三五而稱皇帝漢起朝儀用之造因雖異推戴從同依二
十四史叙周迄前明諸帝王文不厭詳專所重也

五德遞嬗必以革命為始布衣天授者固然即六州歸化如
文王冕旒警蹕如晋文帝猶未許閣干也迨夫改正易服爰

考文章溯王迹之肇基追崇率祖雖天子必有父致敬所生
諱以次頒權歸統一其有旁宗入繼冢孫承祧者悉準此例
牝主僭君亦各隨其閏位以為先後按年考核庶免混淆

紫宸作儷詩美嗣徽銑樹分輝易占主罷自昔明王之政所
由敬身以及妻子也雖化隆節儉告師氏以歸寧道重元良
與國人相齒謙每存謙抑以明無二尊之義而母儀區寓長
秋長信之宮監撫國軍重潤重輝之樂凡夫表章牋奏資敬
無殊官號門名隨宜請易炳在典誥各有舊章

朕膳侯國實以屏周軒冕王官非徒褒紀此於帝室為懿親
家戚持分著之勲賢故舊禮有不名臣屬吏民義無犯上至

於父生師教由違事以溯鼻祖由執贄以及肩隨皆所以教人倫也內臣亦分品秩序級官僚二氏咸集門徒類從師友公私之諱備於此矣相言不出各有家風神鬼遐荒豈忘禮教而白氏經史事類有避忌一門故亦撮舉雜忌殿焉

帝王訓名單復本無定準惟正名之外有初有舊或改或復史例以最後一名領之字以表德古人所重然周以某甫吟鬼神而簡冊無傳後此惟兩晉及江左最詳漢止七帝唐止二帝宋止四帝可考耳又有小名小字及自相况謂皆不容略謚以飾終初止一字後進加至十六或二十字要為尊祖敬宗之意今與廟號陵寢悉依本紀書之其訛異者隨加考

證至主上履稱出自臣下難與南郊請命並登但本書以尊
諱為主故雖偏霸有帝制自為者亦不削之而變書名某以
存史意且別於僭偽叛逆焉

名以制義故名義最先申繙發其凡矣前主所是著為律後
主所是疏為令一代典章具有成式自執簡以及立訓上榜
桃遷詔勅奏議皆是也遷避之法義類紛糅標四門以排比
之人肖形天地而靈於萬物故首人事而以天文地理物類
繼之四者人事最夥曰名字曰氏族命自親者不奪本乎祖
者難誣因厭於所尊舉並時異世者悉改之如蒯徹為過薛
邦為國籍為席爽為盛也曰諡疏如漢之嚴公唐之代祖及

明慶宋之真宗及正觀凡此皆名之屬也考証全憑書籍經
典以啟為開借資同訓著述以志為意用代本文知人論世
於是乎在矣其有先列字體或踵接音讀者蓋變體改音皆
自秦改正為征始但古字原有通借於義無乖帥韶及淮猶
用此法至唐既令為字不成復聽隨便換易卅廿云吏遂至
形模不出難詩音昌為唱德明但以意逆至正月及椽與甄
非因諧轉忽判宮商二者均非細故權其輕重如狎盈啓怪
之類初非經用祇連及之太甚者始為別著故用以首尾書
籍焉他如官制綿蕤司徒禮樂濫觴商頌皆人事也天文賅
以儀象時令地理綜以郡縣山川營建物類則以動植器用

區之間有避及字謚年度者亦為附載而以觸犯終焉然此持言其通例也其間有無繁簡各隨時制如所見無多即不復標門或標門而不列目帝王之外更從省約矣

周室廟諱無微以二山五皓推之不應偏詳列辟蓋柱下所藏盡歸秦燬矣義訓榜懸齊李搗證以憲於王宮王慈亦謂事殷中世合諸次君所記子幹所通疑本周灋也諱訓換以一字制為最善準是推尋十得八九所惜古書數經鈔刻難免訛錯耳唐則廢訓不立而迴避加嚴臨文任意遷變益致紛歧中如獸武代理之類猶易識別神龍而後殊費究詳宋淳熙文書所列繁若秋荼形似音嫌動多曲避元明竟法迥

異前執而點畫那移論者高之上下二千餘年禮俗畧可考
見

計野雖改制書后而帝者也首止之會武德之令儲貳之帝
者也既皆兩見矣自餘椒房鴆禁非諱字炳著及確有掌故
不概登載正如月有盈闕星有隱見未得與太陽比曜也而
皇枝貴族從可知矣名字之辨詳於三傳漢晉以來在朝有
詔書贊拜之賜在野有辭曹南郡之稱禮賢慕德之義存焉
至於家諱繁矣春秋之孔父史記之趙同范書之郭太鄭太
皆史例也咸康勅云諸身名與官職同者與觸父祖同例知
改選非始典午唐宗因以冒榮著律寄理繁銜蓋移孝可作

忠將使無負於君先令不忘其祖也至若主簿避長吏部曲
避監司舉子避宰相主文則入門問諱之義且天子之命吏
故也

桃毀之廟屬竭則言事無嫌豈易姓尚宜沿襲薛邦漆雕啟
著錄孔門而久蒙漢諱唐明議禮家無能掾正斯為疎也至
聖人垂教萬世俎豆不祧

皇朝著令謹避典禮既隆備矣乃若高第受封太常奏改童
蒙臨字蘭子議更亦皆命儒者所當知也謹為詳列先賢先
儒皆承師也依次序之交誼之重觀於門人拜送知無面斥
之理後世疾師怨友者有矣知此亦可維人心而厲末俗推

之方外何獨不然

名諱見經史者纖悉必錄然不能多軼在他說者亦少搜輯三紀脫頭童所閱書除集類外於諱有偶及者有絕無者有展卷即是者有閱數寸始獲一二者有頗言諱而實無當者有不言諱而可借証者汰其雷同正其殊謬參互採列其初見必具撰人姓名以便覆審或大書於首或夾注於末隨文勢之便累朝各自有史如引漢書其下但云本紀某傳某志惟雜出他史別書則更詳之別標肇始彙錄辨論間有管窺隨條附見其散雜錯互無可伴繫者歸于總案

累朝帝諱世遠字繁類有注釋明之如公羊春秋謂嚴公也

釋文謂避後漢諱城、開陽、篡、例謂避景帝諱荀氏、易以正國也。釋文亦云漢諱至史漢諸家注於秦漢之諱往往義訓稠疊非好煩也。古書不可擅改而文字岐異慮滋讀者之感故不惜深考詳言之耳。李涇城注文選胡身之注道鑑並然唐以後書多自為注如通典太傅少傅注傅即師也景帝諱改釋法明佛國記注本名法顯國諱改焉之類最便省覽是考皆為脩錄誌所本也。唐末及宋人著述注例又別遇國諱則虛其字不書注云某祖某宗廟諱今上御名此却未安其字既干明禁不得已而泛用乃反填君上名諱實之倘繫前人名字尤覺不恭茲亦載一二俟有識者裁焉。又如程迴三罷

圖義有荀勉勉下注本字諱呼玉切此避神宗諱於體頗得
陶氏說邗乃改為荀勗而仍其注驟讀幾不可解此則校改
專輒之過不可不戒也

移改前人名字自知即當自解漢書副通傳本與武帝同諱
最為得之宋魏以下諸史變為名犯廟諱先朝臣子何緣預
避後王概科以犯於義未安唐宋人撰述遇國諱輒填注廟
諱御名亦未盡合然此寔由諱訓除棄絕少据依擅易則惑
人直書則不可故耳洪惟我

盛朝斟酌情文權衡禮律

列聖廟諱

皇上御名

申命禮臣謹擬應避字樣

睿裁頒定率土奉行而於聖籍傳信之書敬闕點畫文既顯而可辨事復簡而易從意義法良洵足超前垂後是考專主諱避故如易之元黃書之允征俱遵

令甲敬謹改寫覽者自能瞭然惟值古帝王賢達姓名字號即於謹避字下標明本字避改不復斥其上同亦不沒其本始乃就史例變通之庶涉筆者知所凜焉

或謂帝譜以考鏡得失家牒以甄別是非是書初無適用何事殫精竭力為應曰禮弓二卷皆言事始今常談呼正月為

征起於秦戍已為務起於果又如論語漆雕開漢諱也孟子
小人之事唐諱也注中眾頤揖避常產常心宋諱也千文鳴
鳳在竹桓公輔合蒙求欽宗從裴欽德奪稍亦宋諱也姓編
首頁尤本姓沈闕王諱也嚴本姓莊漢帝諱也此類童而習
之口滑耳熟誰復究所從來者取以旁通未必非格致之助
况其義更有深焉者乎

經史避名彙考卷一

海寧周廣業耕厓

原名

名以吐情惟鳴與命徹昫咳笈教始是矣顧錫從初度
每依事以聽聲而道有養恩貴難知而易避從周郁郁
炳載禮經字行號謚以敬以尊錄弁篇端則察車自輪
之義也

禮記內則國君世子生告于君接以太牢凡接子冢子太牢庶人特豚士特豕
大夫少牢國君世子太牢其非冢子則皆降一等鄭康成注
云冢子元子世子猶言長子特豕以下皆謂長子也非冢子
謂其弟三日卜士負之射人以桑弧蓬矢六射射四方男
及妻子

女下士之妻大夫之妾使食子孔頴達正義此周君世子生負子及食之法

三月之末擇日翦髮為鬢男角女羈否則男左女右是日也

妻以子見於父貴人則為衣服鄭注貴人大夫以上此後無正義及素者皆本注

命士以下皆漱澣男女夙興沐浴衣服具視朔食諸侯少牢

大夫特豕士特豚夫入門側室升自阼階立于阼西鄉妻抱子出自

房當楹立東面姆先相曰毋某妻姓若敢用時日祇見孺子

夫對曰欽有帥教之敬父執子之右手咳而名之案說文咳

父執手引使笑妻對曰記有成識夫言遂左還授師子師辨

告諸婦諸母名妻遂適寢夫之寢夫告宰屬名宰辨告諸男名

書曰某年某月某日某生而藏之宰告閭史閭史書為二其

一藏諸閭府其一獻諸州史州史獻諸州伯州伯命藏諸州府

案正義此謂卿大夫以下名子之法故以名徧告同宗諸男若諸侯既絕宗則不告諸男也據注於朔食下兼舉天子諸侯則上達可知蓋子初生無貴賤天子之元子士也故庶人之禮亦無異國君大戴禮保傳曰王者太子生國舉之禮使士負_之子有司參_不夙興端冕見之南郊白虎通姓名篇天子太子使士負_之於南郊以桑弧蓬矢六射者何也此男子之事也故先表其事然後食其祿然則負子男射並命名想亦爾也

世子生則君沐浴朝服夫人亦如之路見於皆立于阼階西鄉

世婦抱子升自西階君名之乃降適子世子弟素此庶子此

世婦所生不必妾子見於外寢君燕撫其首咳而名之禮帥初無辭無

有帥記有成辭

公庶子生三月之末其母沐浴朝服見於君見於內寢擯者

以其子見君所賜有於君有恩惠也如君名之衆子則使有司名

之魯桓公名子問於申鑄也素此使有司擬名君擇而用之

直云名於有司與上文見君見不合子無嫡庶皆父名之也

庶人子見父之禮無以異也

凡父在孫見於祖祖亦名之於尊禮如子見父無辭正義此

於尊禮如子見父無辭正義此

以下疎見
祖之禮

曲禮名子者不以國不以日月不以隱疾內則不以山川

鄭康成注此在常語之中為後難諱也隱疾衣中之疾謂

若黑臀黑肱矣疾在外者雖不得言尚可指擯此則無時

可辟俗語云隱疾難為醫正義不以國者不以本國為名

他國得為名春秋桓十二年衛侯晉卒襄十五年晉侯周

卒是也案此亦禮之未失不以日月者不以甲乙丙丁為名殷家

得為名者殷質不諱故也然魯僖公名申蔡莊公名甲午

者周末亂世不能如禮或以為不以日月二字為名也不

以隱疾者不以體上幽隱之處疾病為名春秋傳宣二年

趙穿迎公子黑臀於周立之周語單子云晉成公之生夢
神規其髻以黑使有晉國此天所命故得而名昭元年楚
公子黑肱昭三十一年邾黑肱得名或亦有由或亂世不
能如禮

曾子問君薨而世子生太祝告曰某

夫人之

之子生敢告

於此

殯宮

三日奉子殯前北向祝曰某之子某

某

從執事敢見

太宰命祝史以名徧告於五祀山川

三日

負子曰

也

已葬而世子生則告於禰三月乃名於禰以名徧告及社稷

宗廟山川

正義王肅曰未葬當稱子某故三日名之此既葬稱子不

稱名故三月乃名

儀禮士喪禮子生三月則父名之死則哭之未名則不哭也

春秋左傳桓六年九月丁卯子同生公問名於申繻對曰名

有五有信有義有象有假有類以名生為信杜預注若唐叔

以德命為義若文王昌以類命為象若孔子首取於物為假

若伯魚生人有饋取於父為類若子同生有不以國國君之

之魚因名曰鯉取於父為類若子同生有不以國國君之

以本國為名孔穎達正義國名受之天子不可擅易須廢名

不諱若以他國為名則不須自廢春秋晉侯周衛侯鄭陳

侯吳衛侯晉皆以他國為名故知此謂本國也曲禮名子諸

謂國內山川若他國山川則非其主不須廢也曲禮名子諸

亦唯謂國君之子若臣民之名國故云國君子耳廢名廢禮

不以山川而孔子魯人尼邱魯山得為不以官不以山川不

以隱疾隱痛疾惡不以畜牲不以器幣周人以諱事神名陸

明釋文云純句衆家終將諱之故以國則廢名國不可易以

官則廢職以山川則廢主改其山川之名正義謂廢其所主

大帝諱恒改北嶽曰以畜牲則廢祀名羊則廢羊以器幣則

廢禮晉以僖侯廢司徒廢為宋以武公廢司空廢為先君獻

武廢二山具故也魯獻公名具武是以大物不可以命公曰

是其生也與吾同物命之曰同桓公六年夫子與桓公

同日故名同

案五名之外又有待事而名者左傳襄三十年師曠曰叔孫莊叔敗狄于鹹獲長狄僑如及虺也豹也而皆以

名其子

倚如豹皆取長秋名事在大一十一定八年魯苦

越生子將待事而名之陽州之役獲焉故名之曰陽州
事而有待則其時亦定三月也視戴記多官及牲幣者
彼通于士庶此專為國君言也名子以國其名將終廢
不諱故首戒之但春秋時晉衛諸君皆用之不疑故杜
知此專就本國而言終周之世未有以本國為名者獨
史記田完世家有威王因齊既辨之孟子四考中矣官
與山川等則犯者甚多

大戴禮保傳青史氏之記曰太子生而泣太師吹銅曰磬中

某律太宰曰滋味上某然后卜名

案列女傳引青史之記曰
王太子懸弧之禮義卜王

太子名賈誼新書引上無取於天盧辯注謂下無取於墜

作太卜曰命云某社稷中無取於名山通谷無拂衆列女傳作悖於鄉俗言不苟易是

故君子名難知而易諱也此所以養恩衆新書作息之道謂避後

班固白虎通姓名篇人必有名何所以吐情自紀尊事人

者也論語曰名不正則言不順三月名之何天道一時物

有其變人生三月日煦盧本當作煦三月而祇精精也又大戴禮

篇三月連時而後能亦能咳笑與人相更答故因其始有

知而名之禮服傳曰子生三月則父名之於祖廟祖廟者

子之親廟也明當為宗祖主也一說名之于燕寢名者幼

少卑賤之稱也寡略故於燕寢禮內則曰子生君沐浴朝

服夫人亦如之立于阼階西面世婦抱子升自西階君命
之適子執其右手庶子撫其首君曰欽有帥夫人日記有
成告于四境者所以遏絕萌芽禁備未然故曾子問曰世
子生三月以名告於祖禰內則記曰以名告於山川社稷
四境殿以生日名子何殿家質故直以生日名子也尚書
家太甲帝乙武丁不以子丑為名者甲乙名或兼或單何
也子丑故也奔者本木皆故以為名示非一也或聽其聲以律定其名或依其事旁其形故名
或兼或單也依其事者若后稷是也棄之因名為棄也旁
其形者孔子首類魯國尼邱山故名為止或旁其名為之
字者問名即知其字聞字即知其名若名賜字子貢名鯉

字伯魚春秋議二名何謂其無常也若乍為名祿甫元言
武庚名不以日月山川者少賤早已之稱也臣子當諱為
物示通故避之也曲禮二名不偏諱逮事父母則諱王父
母不逮父母則不諱王父母也君前不諱詩書不諱臨文
不諱郊廟中不諱又曰君前臣名父前子名謂大夫名卿
弟名兄也明不敢諱於尊者前也太古之時不諱者何尚
質也故臣子不言其君父之名故禮記曰朝日上質不諱
正天名也紫此句費解大戴禮度戴德篇上古不諱正
天名也疑朝日是禮記為名誤制其文耳
董子繁露深察名號篇古之聖人諱而效天地謂之號鳴
而命施謂之名名之為言鳴與命也號之為言謫而效也

劉熙釋名釋言語篇名明也名實使分明也號呼也以其善惡呼名之也

陸德明左傳釋文名如字或亡政反

見文十一年下

顏氏家訓勸學篇夫學者貴能博聞也郡國山川官位姓族衣服飲食器皿制度皆欲根尋得其原本至於文字忽不經懷已身姓名多或乘舛縱得不誤亦未知所由近有人為子制名兄弟皆山傍立字而有名峙者兄弟皆木傍立字而有名機者兄弟皆水傍立字而有名凝者名儒碩學此例甚多梁世有蔡朗諱純既不涉學遂呼尊為露葵面牆之徒遞相做做承聖中遣一士大夫聘齊齊主客郎李

想問曰江南有露葵否答曰露葵是葦水鄉所出卿所食者綠葵菜耳李亦學問但不測彼之深淺乍聞無以覆究思魯等姨夫彭城劉靈嘗與吾坐諸子侍焉吾問儒行敏行曰凡字與語議名同音者其數多少能盡識乎答曰未也吾曰凡如此例不預研檢忽見不識誤以問人反為無賴所欺不容易也因為說之得五十許字諸劉嘆曰不意乃爾若遂不知亦為異事

音辭篇北世有人名選自稱為織名現自稱為菜名沈自稱為汪名勣音自稱為獨音非唯音韻舛錯亦使其兒孫避諱紛紜矣

又南人以錢為延石為射鐵為美足為砥北人以鹿為成如為儒菜為林浴為押閩人說

高為最秦人說青為妻蜀人說登字為合口吳人說魚字為開口此類甚多惟洛陽得天下之中語音最正然河柱為元謂元為柱謂犬為遺謂遺為犬亦不少

宋景文公祈筆記李陽水深於篆隸而名作冰音凝故參

政王公堯臣但讀陽凝予曰陽凝無義惟陽冰有不治之

語周大臣王朴朴平豆反而自謂樸案說文朴無樸音俗

以朴為樸耳李衍跋云公定集韻去聲朴菊侯切入聲朴匹角切與樸同今謂朴無樸音何也

右命名

曲禮大夫士之子不敢與世子同名

注辟僭倣也其先之生則亦不改內則注尊世子也其先世子生亦勿為改

義諸侯之臣為子作名不得與君適子同名同則嫌自比

擬于君故云辟僭倣世子不得同則與庶子同不嫌若其
子生在世子前已為名而君來同之則不須易載梁傳云
君子不奪人親之所名重其所由來也是臣先名君後名同
之臣不改也又雜記與君之諱同則稱字若先生與世子
同名亦當然也諸侯之子不可同天子之子故宜不也衛
湜集說馬氏曰君雖不奪其名臣不可不稱字又曰名不
可更以字行可也今律有所避忌則行字者聽是也

案賈誼新書立後義篇載帝將立世子朝服自阼階上
西鄉妃抱世子自房出東鄉太史奉書當階北面曰世
子名曰某者三帝執禮稱辭命世子曰授太祖太宗與

社稷於子者三其禮略與命名同因言凡諸貴以下至於百姓男女無敢與世子同者此天子立世子之禮也諸侯世子名無敢上同况天子之世子乎

穀梁春秋傳昭七年八月衛侯惡卒鄉曰衛惡說詳後今日衛侯惡此何為君臣同名也君子不奪人名不奪人親之所名重其所以來也王父名子也

周密癸辛雜識有君臣同名者襄王名鄭衛成公與同時亦名鄭宋武帝名裕褚叔度王敬宏本字連改皆名裕之謝景仁張茂度皆名裕宋明帝名彧王景文亦名彧唐元宗名隆基劉子元名知幾又有父子祖孫同名者周康王名釗

生子瑕是為昭王宋明帝名或其子後廢帝亦名昱魏獻
文名宏本字避改其子孝文名宏蔡雖相近而字猶异也若周
厲王名胡而僖王名胡齊蔡文侯昭侯相去五世皆名申
何耶

史繩祖學齋咕嗶古今同姓名者多矣而祖孫父子同名
為可咎晉有兩劉毅兩周撫同時兩孫秀兩解系兩周訪
兩王愷王渾王澄又唐文宗時韓翃知制誥又有一韓翃
為太守帝書胡寒食詩一絕云與此韓翃縱同時而同姓
名無足怪也容齋隨筆載魏安同父名屈同之長子亦名
屈此祖孫同名也隨處士羅君墓誌云君諱靖父靖學優

不仕此父子同名也余謂元魏之俗不足以禮義責之羅君既為處士乃至父子同名視司馬遷以趙談為同豈不萬萬相遠哉

孔氏

仲平

雜說王羲之子徽之子禎之王允之子晞之

晞之子肇之王宴之子崑之崑之子暉之皆三世同用之字胡毋輔之子謙之吳隱之子瞻之顏悅之子愷之皆兩

世同用之字

陳詩禪寄筆談云古人命名不嫌同字而無忌諱如此不可曉也

程哲容搓蟲說父子同名漢書廣陵孝王子名德其嗣子復名德父子同字晉張老字孟子超亦字孟晉郤克字駒伯郤錡亦字駒伯有兩世名同之字者胡毋輔之云云三

世名同之字者王宴云云涂達之子湛之湛之子書之四
世名同之者王義之子獻之獻之子靖之靖之子悅之五
世名同之者王胡之子茂之茂之子裕之裕之子瓚之瓚
之子秀之六世名同之字王彪之子臨之臨之子納之納
之子准之准之子與之與之子進之廣業案之是語助二
字作名所重原在上一字然父子祖孫名皆連之有如昆
季亦所不可也

右同名

春秋公羊傳定六年冬季孫斯仲孫忌帥師圍運此仲孫何
忌忌也曷為謂之仲孫忌譏二名二名非禮也

據是年夏言
仲孫何忌

何休注為其難諱也一字名令難言而易諱所以長臣子之敬不逼下也春秋定哀之間文致太平欲見王者治定

無所復為譏唯有二名故譏之此春秋之制也正義指定來為太平

者以昭公時未幾二名也云唯有二名故譏之者文王臣

哉且生孔子門人安不齊之屬皆親事聖人而以二字為

名是保古禮孔子作春秋欲改古禮為後王之法是以譏之故言此春秋之制

哀十三年晉魏多帥師侵衛此晉魏曼多也曷為謂之晉魏

多譏二名二名非禮也據上七年言曼多

案譏二名乃公羊一家之言其以何忌為忌乃偶脫字

耳據本年前後文異而其前昭三十二年定八十二

等年哀元二二六等年皆作仲孫何忌知此為脫字必

矣注所謂難諱蓋如漢昭帝改弗陵為弗之類亦似有
理然不若杜注左傳以為闕文之得也若因其二名而
強割截之著於竹帛其流弊遂有王莽制作否則如東
漢費鳳碑之司馬慕蘭相耳此謂兩字作名者也有祖
若父各命一名或父名之後親長更為作名二名不可
偏廢遂並用之如孔子弟子南宮說一名縞字叔又字
容又字括左傳昭七年正義又檢
注南宮闕字子容論語申振鄭氏注蓋
孔子弟子申續之類後漢嚴光一名遵桓晁一名嚴劉
陶一名偉荀爽一名詡仇智一名香崔實字子真一名
台字元始服虔字子慎初名重又名祇皆並行於世是

一人而二名也

唐柳宗元呂判官墓誌恭字敬叔他名曰宗禮或以為字是又可稱他名

李石續博物志東漢無複名或云王莽之禁沿襲所致

顏師古匡謬正俗人或有複名單稱者乃是流俗之事苟
逐便易不思立名本旨且依禮文二名不偏諱今若偏舉
安得不諱乎若嫌二名頗多則舉俗皆須為單名矣至若
伯陵稱陵季荊稱荊雖少一字義或可通又如長壽稱壽
延年稱年求其本義已有所失乃有無恤稱恤不速稱速
去病稱病白黑相反更相戲弄隋大業出勅斷單稱複名
深得物理而委巷之徒不曉其意便謂朝廷禁止單名其
幼少以來不為複名者輒更加增以為順旨曾莫之悟

右二名

曲禮君子已孤

深衣注三十以下無父稱孤

不更名

注亦重本正義名是父所作父死更名似遺棄其父故曰重本

五經異義公羊譏二名謂二字作名若魏曼多也左氏說二名楚公子棄疾弑其君即位之後改為熊居是為二名許慎謹案云文武賢臣有散宜生蘇忿生則公羊非也從左傳義也見檀弓正義魏了翁師友雅言曰古人無改名惟有弑君者三人楚公子圍改熊虔吳公子光改闔廬楚公子棄疾改熊居皆弑君後改

案左傳哀二年晉趙簡子誓師自稱志父服虔云趙鞅
入于晉陽以叛諸侯之策書之因更名志父蓋雖非弑
君亦叛臣也魯桓公史世家名允世本名軌杜元凱作
世族譜從之如魏氏之說其亦弑君後改名者歟其後
如秦莊襄王改子異人為子楚漢武帝改竦為徹宣帝
改竊已為詢司馬犬子改名相如劉更生改名向劉歆
改名秀衛青子騮字叔馬改名登字叔昇之類不可勝
舉又有賜名者左傳宣四年楚滅若敖氏子文之孫箴
尹克黃使齊還自拘于司敗王使復其所改命曰生此
其緣起歟任昉拾遺記載宋景公時有野人被草負笈

扣門請見公悅之賜姓子氏名之曰韋此類亦多

右改名

左傳桓二年晉穆侯夫人姜氏以條之役生太子命之曰仇其弟以千畝之戰生命之曰成師師服曰異哉君之名子也夫名以制義義以出禮禮以體政政以正民是以政成而民聽易則生亂嘉耦曰妃怨耦曰仇古之命也今君命太子曰仇弟曰成師始兆亂矣况其替乎

正義師服之諫欲使強幹弱枝耳非謂人之立名必將有驗而何休謂左氏後有興亡由立名善惡引后稷名棄為膏肓以難左氏非也

尹文子大道篇人有字長子曰盜少子曰毆盜出門其父

在後追而呼之曰盜盜

劉晝新論都名篇作盜特
未出轉其母呼之曰盜

吏聞因

而縛之其父呼毆喻吏遽而聲不轉但言毆毆吏因而毆

之幾至於死

新論又云昔有貧人命其狗曰富命其子曰樂方祭而狗入於室叱之曰富出視曰不祥

家果有禍其子後死哭之曰慄而不自悲也
索歐陽詢藝文類聚引尸子作齊田果事

案立名美惡况謂而兼毀譽載籍甚多既隨文載入本

門撮舉其例於此劉晝曰畢萬以盈大會福晉仇以怨

耦逢禍然盈大者不必盡吉怨耦者不必皆凶而人懷

愛憎之意者以其名有美惡也劉向有言制宅名子足

以觀士

說苑善
說篇

名願可不審哉

家訓風操篇周公名子曰禽孔子名兒曰鯉止在其身自
可無禁至若衛侯魏公子楚太子皆名蟻蝨長卿名犬子
王修名狗子上有連及理未為通古之所行今之所笑也
北土多有名兒為驢駒豚子者使其自稱及兄弟所名亦
何忍哉前漢有尹翁歸後漢有鄭翁歸梁家亦有孔翁歸
又有顧翁寵晉代有許思妣孟少孤如此名字幸當避之
今人避諱更急於古名子者當為孫地吾親識中有諱襄
諱友諱同諱清諱和諱禹交疏造次一座百犯聞者辛苦
無僂賴焉昔司馬長卿慕蘭相如故名相如顧元歎慕蔡
邕改名雍而後漢有朱張字孫卿許暹字頰回梁世有庾

晏嬰祖孫登連古人姓為名字亦鄙事也

案左傳衛成公時有公子款犬與遽瑗同時者有史狗
曾連子衛靈公臣有司空狗

見漢書人表及注

則有先於犬子

狗子者矣孔門有司馬牛不礙為高弟邾文公名遽漆
不失為賢君所嫌鄙近難避耳他若晉石鑿子名陋字
處賤孟嘉弟亦名陋宋劉胡本名坳胡後以難道單呼
胡梁馬仙理幼名仙婢後以不雅以玉代女陳韓子高
本名蠻子文帝改之魏書楊愔典選有選人魯漫漢愔
調之曰名以定體漫漢果自不虛此類不可殫述其製
名竊取古人南史孝武帝名江夏王義恭子為伯禽以

比魯公伯禽名顏竣子為辟彊以比漢侍中辟彊劉湛
慕汲黯崔琰為人名長子曰黯字長孺第二子曰琰字
季恭拾遺記曹魯人本名平慕曾參之行改名曹唐
元和進士劉希仁慕孟子為人因名軻作翼孟三卷至
南唐宋齊邱字超回則更無忌憚矣矯其弊者又取隱
僻之字造怪誕之名如呂氏春秋載陳使敦洽離麋使
楚王怪其名與師伐陳孫休名子字皆臆造梁武帝天
監中有蜀闕翫杰哉鷓仇濟四公宋明宗室命大率如此皆非也名有美美則死

惡名有美惡

曲禮男女異長男子二十而冠冠字女子許嫁笄而字

案曲禮人生十年曰幼學二十曰弱冠正義謂自始生至十九時稱幼冠禮棄爾幼志是也二十成人初加冠禮猶未壯故曰弱此謂庶人及士之子若卿大夫十五以上則冠故喪服云大夫為昆弟之長殤是也其冠儀與士同故郊特牲云無大夫冠禮是也諸侯大夫之子亦皆二十而冠天子之子則十二而冠天子諸侯之身則皆十二而冠冠之年不同字亦隨之有早晚也大戴禮公冠自為主天子儼馬所載成王冠及孝昭冠禮辭皆實字之禮

檀弓幼名冠字五十以伯仲死謚周道也

正義名以名質故始生三月加名人年二十有為人父之道朋友等類不可復呼其名故冠而加字年至五十者父轉尊又捨其字直以伯仲別之至死而加諡此皆周道自殷以前為字不在冠時伯仲不當五十以殷尚質不諱名故也又殷以上有生號仍為死後之稱更無別諡周則死後別諡

案周公制禮在營洛邑之後蓋攝之六年也洛誥周公曰王肇稱殷禮知是時猶用殷禮也成王曰未定于宗禮亦未克教公功知周禮猶未行也必待千七百諸侯莫不磬折仰慕文武之風而後周禮始洽於天下焉戴

記復與書銘之類先儒以為殷禮而此乃明言周道使
知命名字謚皆前此所未有而諱之始不待言矣

儀禮士冠禮冠者立于西階東南面賓字之冠者對

應也其辭未聞

字辭曰禮儀既備今月吉日昭告爾字爰字孔嘉髦士攸宜
宜之于假永受保之曰伯某甫仲叔季惟其所當

鄭康成注伯仲叔季長幼之稱甫是丈夫之美稱孔子為
尼甫周大夫有嘉甫宋大夫有孔甫是其類甫字或作父
賈公彥正義夏殷質則稱仲周文則稱叔若管叔霍叔之
類是也殷質二十為字時兼伯仲叔季呼之周文二十為
字時未呼伯仲至五十乃加而呼之若孔子先呼尼甫至

五十去甫以尼配仲而呼仲尼也周家二十已後死雖未滿五十亦得呼伯仲魯慶父是莊公之弟未有五十而死號曰共仲故曰惟其所當也

記曰冠而字之敬其名也

注名者質所受於父母冠成人益文故敬之正義內則子即是其生三月父名之不言母今云受於父母者夫婦一體受父母為質字者受於賓為文故君父之前稱名至於他人稱

字是字敬名也

禮記郊特牲冠而字之敬其名也正義以成人之時呼其名故以字代之

冠義已冠而字之成人之道也字所以相尊也

王逸李昉等辭騷注人非名不榮非字不彰故子生父思善道而名字之以表其德觀其志也

太平御覽人事部春秋說曰字者飾也

白虎通姓名篇人所以有字何冠德明功敬成人也故禮士冠經曰賓北面字之曰伯某甫又曰冠而字之敬其名也所以五十稱伯仲者五十知天命思慮定也稱號所以有四何法四時用事先後長幼兄弟之象也故以時長幼號曰伯仲叔季也伯者長也子最長迫近父也仲者中也叔者少也季者幼也適長稱伯伯禽是也庶長稱孟魯大夫孟氏是也質家所以積於仲何質者親親故積於仲

文家尊尊故積於叔論語曰周有八士伯達伯适仲突仲
忽叔夜叔夏季隨季騶獨不積於叔何蓋以兩兩相生故
也不積於伯季明其無二也文王十子詩傳曰伯邑考武
王發周公旦管叔鮮蔡叔度曹叔振鐸成叔處霍叔武康
叔封南季載所以或上其叔季何也管蔡曹霍成康南皆
采地也故置叔季上伯邑考何以獨無乎蓋以為丈夫者
不是采地也

王充論衡詰術篇五音之家用口調姓名及字用姓定其
名用名正其字口有張歛聲有外內以定五音宮商之實
夫人之立字也展名取同義名賜字子貢名子字子我不

用口張歛外內調宮商之義

葛洪西京雜記梁孝王子賈從朝年幼竇太后欲帝冠婚之帝謂王曰兒堪冠矣王頓首謝曰臣聞禮二十而冠冠而字字以表德自非顯才高行安可強冠之哉

洪适隸釋穀阮神碑陰跋三百四十二人皆無秩者其間四十人皆字其名而繫以阿字如劉興阿興潘京阿京之類必編戶民未嘗表其德書石者欲其整齊而強加之猶今問巷之婦以阿挈其姓也靈臺碑陰有仲東阿東及仲阿同仲阿先數人與此正相類

案古人用阿字發語如阿父阿母之類王楙野客叢書

曰世說謝太傅語真長阿齒於此事故欲太厲王胡之
字修齡故呼阿齒注謂小字者誤猶桓公呼殷淵源為阿源王
處仲呼王平子為阿平之類也阿之一字顧所施用有
綴以姓者如阿阮有綴以名者如阿戎有綴以字者如
阿平有綴以第行者如阿大是也據此則碑云阿興等
漢世自有此稱非必書石者所加也又製字之法古皆
用一字如顏淵言游之類後或配以子及伯仲後世間
亦有之梁庾於陵字介北齊顏之推字介李曇字雲劉
乾字天羅靖字禮顏師古字籀是也有本二字稱者從
省止舉一字如漢王吉字伯陽而曰王陽即以名為字

者單名則字文審字審張巡字巡郭暖字暖雙名則晉
孔安國字安國殷仲文字仲文及宋蔡興宗齊顏見遠
梁王僧儒劉孝威劉孝綽庾仲容江德藻任孝恭師覺
授張孝總北齊慕容紹宗魏蘭根後周王思政辛慶之
崔孝穆唐張嘉貞劉允濟孟浩然白元光侯仲莊郭子
儀魏少游之類又有名與字連者晉謝安字安石謝萬
字萬石殷師字師子梁江總字總持又如葛旗字虛旗
韓伯字康伯范憲字子憲此則欲避其名不得不兼避
其字者故附列之

歸太僕

有集書與王子敬東古人命字所以尊其名也聖

門如回淵賜貢由路予我之類殊無深意後世名字之義侈矣

右字以敬名

漢書匡衡字稚圭好學精力過人詩語儒為之語曰無說詩匡

鼎來匡說詩解人頤西京雜記云
匡衡小名也

馮永卿懶真子同年小錄載小名小字或曰始于司馬犬

子僕曰不然王明字子離騷經皇覽揆予于初度兮肇錫予以嘉名

名予曰正則兮字予曰靈均屈原字平正則靈均其小字小

名也皇者三閭稱其父也後人以皇覽為進御之書誤矣

案靈均正則乃釋平原二字王逸注甚明非小名小字

也史記司馬相如字長卿少時好讀書學擊劍故其親
名之曰犬子相如既學慕蔣相如之為人更名相如顏
師古漢書注云父母愛之不欲稱斥故為此名則謂為
小名亦宜但史無明文故依雜記以匡鼎為始張晏漢
書注云衡少時字鼎長乃更字稚圭世所傳衡與貢禹
書上言衡敬報下言匡鼎白知是字也張以書不應上
下異名故以為字師古從服應之說以鼎為當也方也
而謂張說穿鑿且言字以表德豈人所自稱不知古人
質首用正名末用小名何不可之有素山松後漢書明
帝幼名陽宋書符瑞志云漢帝少時名曰董侯晉書皇

甫謚幼名靜張天錫少名獨活幼少皆有小義意其由
助歟魏武帝一名吉利小字阿瞞見裴松之魏志注時
有曹瞞傳又有許攸以戲呼太祖小字獲罪事此明驗
矣吉利疑是小名然小名小字寔無甚區別與定體表德
不同具見陸龜蒙小名錄中江左諸帝小名小字並在
所諱故宋齊等書紀通曰小諱餘稱小字晉書或作一
字如郝超傳字景興一字嘉賓王坦之傳則云嘉賓超
小字也酈道元水經陰溝水注漢尚書虞詡碑云字定
安案范書詡字升卿則定安其幼字也宋馬良驥序車
氏垓內外服制通釋曰公諱垓字經臣少諱若館是又

可稱幼字乳名少諱

俞成瑩雪雜說今人名子妄自尊大乃取文武富貴字不以啼類為名則以望回為名不以次韓為名則以齊愈為名甚可笑也古者命名多自貶損曰愚曰魯曰拙曰賤皆取謙抑之義如司馬氏幼字犬子至有慕名野狗何嘗擇稱呼之美哉嘗觀進士同年錄江南人小名多好字足見自高之心江北人小名多非佳字足見自貶之意若雁塔之題當先正名垂於不朽

案陸魯望曰末世有官名小名之別蓋謂仕籍須用正名居家通行小字也自古禮廢失三日負子變而為三

日洗兒三月名子變而為滿月剃頭

唐高宗龍朔三年子旭輪生滿月

大魏宋劉勰明有皇子剃胎髮文

又以能食食之時為周歲試晬

見家訓

燕會贈賀爭相誇耀而名反在所後然襁褓之間保姆之手子姓既多稱呼易混又不可無以區別之由是小

名小字興焉隨所意指不嫌鄰近如王少奴陶胡奴江

盧奴石齊奴桓豹奴謝胡兒魯女生

魯與見宋書

王佛大王

僧彌孫僧奴吳道助袁羊袁虎曹蜎吳附子之類其美

者不過如李萬億

李通見魏志注

李長生

晉李嵩

劉長生

宋劉謝

益壽王恭王暕王齊桓式止唐張曙小字阿仄宋王安

石小名籬郎周邦彥小名十狗猶用此法亦有絕可異

者後唐鄭珣行第十九因小名十九

古今事類

其後應舉十

九年登第十九名為宰相十九年

薛文

此亦巧合之數也

其名自內外族姻以及乳媪乾媪之屬皆得稱之故又

謂之乳名

宋史選舉志

必至就傳筮仕正名方顯而自幼習

聞驟難盡易往往官名小名雜出並舉因之登科小錄

亦備著焉要為不忘微賤之意明以來齒錄但有別字

別號而小名小字悉諱匿之不免於自尊大矣

陸游老學菴筆記周宇文護與母閻書曰受形稟氣皆知

母子誰知薩保如此不孝此對母自稱小名南齊鬱林即

長引

位明帝謀廢立右僕射王晏助之從弟思遠勸晏引決及

晏拜驃騎謂思遠兄思微曰隆昌之末阿戎勸吾自裁若
用其語豈有今日思遠曰如阿戎所見猶未晚也此乃對
兄自稱小名畢景儒幕府燕閒錄載蘓易簡初及第時與
母書自稱岷岷亦小名也從伯父右司小名馬哥在京師
省祖母楚國夫人出上馬矣楚國偶有所問自出屏後呼
馬哥親事官白伯父曰夫人請吏部蓋此輩亦習聞之也
今吳人子弟稍長便不欲人呼其小名雖尊者亦以行第
呼之風俗日薄如此奈何

案宋書武帝謂趙太后曰寄奴與道憐豈有所惜是對
母稱小名不始薩保也晉書文帝寵愛齊王攸撫牀呼

爾子不禮者子別於此而為神於下世凡呼其
也者者有侯 昭考竹文布之說 三明系一書
名 之 神 教 小

其小字曰此桃符座也王太后語武帝曰桃符性急而
汝為兄不慈恐不能相容隋書獨孤皇后曰我所以益
憐阿廢此父母呼子小名也魏志注明帝呼秦朗小字
曰阿蕪朗太祖養子也此兄呼弟小名也世說新語所
載小字至多周嵩語母曰阿奴碌碌謂其弟謨當在阿母目
下耳又謨作晉陽太守兄顛撫其背曰奴好自愛是對
母呼弟及兄呼弟皆以小名也尊行呼後輩如王右軍
少時丞相云逸少何緣復減萬安邪殷中軍道王右軍
曰逸少清貴人逸少義之小字也注引王氏譜褚爽少時謝
太傅見而嘆曰若期生不佳我不復論士注引續秋劉尹

謂王微曰人想王荆產佳謝萬謂荀莊曰阿鄴故處驪有
才具謝仁祖謂庾統曰庾赤玉胸中無宿物是也朋輩
相稱如王大謂桓敬道曰靈寶故自趙王恭謂其父益
曰與阿大語蟬聯不得休是也至若賞譽篇云世稱荀
子秀出王修阿興清和王益則竟以之為品目知當時以小
字行故不嫌也不僅此也桓石虔小字鎮惡年十七八
未被舉而童隸已呼為鎮惡郎則并奴僕亦呼之矣魏
書睦考謂崔浩曰桃簡卿已為司徒何足以此勞國士
也桃簡浩小字尊為國士官至司徒猶以桃簡卿連稱
王謙曰唐高定小字董董時人多以小字稱則此風自

晉迄唐猶有存者新唐書崔湜弟洸尤工五言詩湜因呼小名曰海子我家龜龍也是兄呼其弟因話錄張尚書正甫言于柳元公曰壽郎相逢其謙大過壽郎仲郢小字正甫蓋其父執猶晉人遺法此皆世所久廢故因放翁之言略推論之

葉夢得石林詩話五代李濤有春社從李昉求酒詩云社公今日沒心情為乞治醵酒一瓶社公溥小字也唐人在慶侍下雖官高年老皆稱小字

周煇清波雜志古名賢嚴于輩行尤篤通家之好子弟見執必拜或立受或答半禮呼以排年或小字今則替矣

吳處厚青箱雜記嶺南風俗相呼不以行第唯以各人所
生男女小名呼其父母元豐中余任大理丞斷賓州奏案
有民韋起男名首即呼韋起云父首韋邀男名滿即呼韋
邀作父滿韋全女名棟娘即呼韋全作父棟韋庶女名睡
娘即呼庶作父睡妻作孀睡

右小名小字

檀弓縣子曰汰哉叔氏

注叔氏子游字正義子游別字也

案子游之外又出叔氏一字是別字也前乎此者檀弓
叔譽注云叔向左傳子美注云子產襄二皆別字也又

十五

南宮說字叔又字容又字适琴字子開一字張

俱左傳正

義知其事濫觴於春秋矣兩漢無聞蜀志關雲長一字長生晉書傅爽本字幼起慕南宮三復白圭易字南宮謂之本字是既易之後單行後字矣吳孫皓字元宗一名彭祖字皓宗其初字既析為名字則亦單行後字也若南史宋王瞻字明遠一字叔鸞齊王晏字休默一字士彥垣崇祖字敬遠一字僧寶劉苞字孝嘗一字孟嘗顧歡字景怡一字元平吳苞字天蓋一字懷德梁王筠字元禮一字德柔此則兩字兼行即別字也唐以來難更僕矣

老學菴筆記近世名士李泰發光一字泰定晁以道說一

字伯以潘義榮良一字子賤張全真守一字子固周子克

必一字洪道芮國器性一字仲蒙林黃中栗一字寬夫朱

元晦熹一字仲晦人稱之多以舊字其作文題名之類必

從後字後世殆以為疑矣

史記范蠡浮海入齊變姓名自謂鴟夷子皮齊以為相間行
止於陶自謂陶朱公天下稱陶朱公又樗里子名疾秦惠王
弟也滑稽多智秦人號曰智囊家在渭南陰鄉樗里故俗謂
之樗里子

晉書嵇含字君道家在鞏縣亮邱自號亮邱子葛洪字稚川

自號抱樸子因以名所著書

陶潛字元亮嘗著五柳先生傳以自况曰先生不知何許人不

知姓字宅邊有五柳樹因以為號焉

南史梁陶宏景字通明丹陽秣陵人齊

永明間歸止于句曲山自號華陽陶隱居人間書札即以隱

居代名

案史記秦紀飛廉得石棺銘曰帝令處父不與殷亂索

隱曰處父蜚廉別號然則別號與于殷末矣以其人其

事不足傳故首范與樗里焉二人本有姓名而自謂與

人謂之如此即題號也他如鬼谷鷓冠園公綺里季夏

黃公角里先生及後漢書郭玉傳中老父自號涪翁者

皆隱姓名而專以號著者也

鬼谷四皓姓名皆後人臆造

毫邱抱樸

諸人遠師陶朱鬼谷而後世元真天隨伸蒙等復師之
其意亦欲自隱其名故別出一號代之而世復共相傳
如史所稱陶隱居者非所謂逃名而名我隨避名而名
我追者乎唐宋以還人各有號然罕見於史元次山自
號猗玗子又自稱浪士或呼為漫郎家樊口漁者戲謂
之聲^變或曰漫容詳本集顏魯公別號應方亦止見因
亮所作狀而已蓋其名德昭著初不以號為輕重也至
帝王自號如趙武靈王自號主父臣下上尊號如漢哀
帝陳聖之類皆所不敢故不復論

葉夢得石林燕語司馬溫公自稱迂叟韓魏公晚號安陽

慈叟文潞公號伊叟歐陽文忠號六一居士以琴棋書酒
集古碑為五而自當其一嘗著傳蘇子瞻謫黃州以所居
地號東坡居士晚又號老泉山人以眉山先塋有老翁泉
故云子由自嶺外歸許下號穎濱遺老亦自為傳

素東坡
初字子

平見文與可詩一字和
仲見陳振孫書錄解題

歸太僕集震川別號記余性不喜稱道人號尤不喜人以
號加已往往相字以為尊敬一日諸公會聚里中以為獨
無號稱不可因謂之曰震川

案別號繁興一人數字亦侈借之一端也古賢著書嫌
於求譽自隱姓名如越絕書袁康吳平所作後序云以

去為姓得衣乃成厥名有未覆之以庚又云以口為姓
承之以天楚相屈原與之同名魏伯陽參同契自做啓後
章云委時去害與鬼為鄰百世一下遨遊人間湯遭水
旱阨際隔并並用此法古文苑又載孔融離合作郡姓
名字詩是直用為遊戲有同隱謎後人效之乃好奇之
過也

右別字別號